




太平御覽


五十二



内閣文庫	
番號	漢 1842
冊數	240 (52)
函號	Ⅷ 14 1








太平御覽卷第一百二十三

偏霸部十



梁蕭方智

後梁蕭登

蕭歸

蕭琮

陳陳霸先

蕭方智

梁書曰敬帝諱方智字慧方小字法直世祖第九子也太
清三年封興梁侯承聖元年晉安郡王二年出為平南將
軍江州刺史三年十一月江陵陷太尉楊州刺史王僧辨

司空南徐州刺史陳霸先定議以帝為太宰丞制奉迎還
京師四年二月至自潯陽入居朝堂以太尉王僧辨為中
書監錄尚書驃騎將軍都督中外諸軍事加司空陳霸先
班劔二十人三月齊遣上黨主高陔送真陽侯蕭淵明來
主梁嗣至東閔遣吳興太守裴之橫與戰敗績之橫死王
僧辨率眾出屯姑熟七月王僧辨納真陽侯蕭淵明自採
石濟江入于京師以帝為皇太子九月司空陳霸先舉義
襲殺王僧辨黜蕭淵明丙午帝即皇帝位十月詔改承聖
四年為紹泰元年大赦以真陽侯淵明為司徒封建安郡

公以司空陳霸先為尚書令等所生夏貴妃為皇太后立
妃王氏為皇后太平元年正月大赦四月齊軍水步入丹
陽縣至秣陵故治六月齊潛軍至蔣山北至玄武湖司空
陳霸先授眾軍鄣度大破之七月陳霸先進位司徒九月
改元大赦除司徒陳霸先為丞相錄尚書事二年四月齊
遣使請和八月加丞相黃鉞領太傅劔履上殿九月為上
國摠百官封十郡為陳公備九錫之禮十月禪位于陳奉
帝為江陰王薨于外邸時年十六追謚敬皇帝史臣曰梁
季橫潰喪亂屢臻當此之時天歷去梁敬皇高讓將同釋

真馬

後梁蕭啓

後梁宣帝諱啓昭明太子第三子也封岳陽王授雍州刺史孝元被西魏所害啓遂為魏附庸稱太定元年以蔡大寶為相時人比刘備過孔明啓性不好酒尤惡見婦人酷信佛法謂尚書宋如周曰卿謗經如周踧踏上子六切下音迹自陳懼而出以告蔡大寶曰卿當不謗餘經不信華耳如周乃悟經云隨喜面不狹長如周面狹且長故戲之耳啓居處殘毀干戈日用在位八年憤惋而殂年四十子巋立

蕭巋

明帝諱巋宣帝第三子也聰明器識太定元年為太子宣帝崩太子即位號天保元年十五年周武帝平北齊得傳國璽巋入周賀武帝大會群臣及諸藩客周武自彈琵琶今故齊主高緯起武達摩支故安德王延宗悲不自勝緯舞訖勸巋乃起舞周武曰梁主乃能為勝舞乎巋曰陛下既自彈五絃臣何敢不同百獸周武大悅周武指齊氏臣此列張义謂巋由是登泮罵朕者巋曰長义未能抱樂翻敢吠堯周武大笑初雖禮節巋未深之知至是巋丞開乃

陳父荷太祖極救之思并叙二國艱虞唇齒倚角之事辭
理辯暢因涕泗交流周武亦為歔歔自是禮遇日深賜雜
繒百段馬五匹并賜齊宮伎女遣歸國執歸手曰待破突
厥必送梁王歸江東歸途經古迹莫不駐馬賦詩以叙其
懷至于江陵凡三十首女為秦晉王廣妃在位十四年而
殂

蕭琮

琮明帝太子也既立赦其封內改元寬運琮性廣仁有大
度博學有文義兼善弓馬明年隋文徵琮入朝琮率其臣

二百餘人朝于長安群臣辭于送客堂下馬二執別莫不
殞涕既至隋文帝留之使崔弘度將兵江陵江陵不守於
是國廢

陳陳霸先

陳書曰高祖武皇帝諱霸先字吳國小字法生吳興長城
下若里人漢太丘長陳寔之後也世居潁川寔玄孫準晉
太尉準生匡匡生遠永嘉南遷為丞相掾歷太子洗馬出
為長城令悅其山水遂家焉嘗謂所親曰此地山川秀麗
當有王者興二百年後我子孫必鍾斯運高祖以梁天監

二年癸未歲生少儻有大志不治生產既長讀兵書多
武藝明達果斷為當時所推服嘗遊義興館於許氏夜夢
天開數丈有四人朱衣捧日而至令高祖開口納焉及寬
服中猶熟高祖心獨真之大同初心喻侯蕭英為吳興太
守甚重高祖謂僚佐曰此人方將遠大及映為廣州刺史
高祖為中兵參軍隨之鎮映令高祖招集士馬衆至千人
仍命高祖監宋隆郡所部安化二縣元不軍高祖討之尋
監西江督護高要郡守先於武林侯蕭諮為高州刺史以
裒刻失衆心士人李賁連結欽州豪傑同時反臺高州刺

史孫罔新州刺史盧子雍將兵擊之罔等不時而進皆於
廣州伏誅子雄弟子畧丹罔子政及其主帥杜天合杜僧
明共舉兵執江南督護沈覲進寇廣州晝夜苦攻州中震
恐高祖率精兵三十卷甲兼行以救之頻戰屢捷天合中
流矢死賊衆大潰僧明遂降梁武帝深歎異授直閣將軍
封新安子邑三百戶仍遣益工圖高祖送喪還都至大庾
嶺會有詔高祖為交州司馬領武平太守子刺史楊暕匹妙切
南討十一年六月軍至交州賁衆數萬於蘇歷江口立城
柵以拒官軍暕推高祖為前鋒所向推陷賁走典澈湖於

屈獠界立砦音大造船艦克塞湖中衆軍憚之頓湖口不敢進江水暴起七丈注湖中奔流迅激高祖勒所部兵乘流先進衆軍鼓噪俱前賊衆大潰賁竄入屈獠斬賁傳首京師是歲太清元年也除震遠將軍西江督護高要太守督七郡諸軍事二年冬侯景寇京師高祖將率兵赴拔廣州刺史元景仲陰有異志將圖高祖知其計于城州刺史王懷明行臺選郎殷外臣等密議誠嚴三年七月集義兵於南海馳檄以討景仲景仲窮蹙縊于閣下高祖迎蕭勃鎮廣州十一月高祖遣杜僧明胡穎將二千人頓于嶺上

并厚結始興豪傑同謀義舉音大都張思音等率千餘人來附蕭勃聞之遣鍾林悅說高祖自侯景驍雄天下無敵前者拔軍十萬士馬精強然而莫敢當鋒遂令羯賊得志於以君踈外詎可聞拔未若且在始興遙張聲勢保此泰山自永多福高祖泣謂林悅曰僕本庸虛蒙國成造往間侯景渡江即欲赴拔今京都覆沒主上蒙塵君辱臣死誰敢受命君侯休則皇杖任崇方岳已不能推鋒萬里雪此冤痛見遣軍猶賢乎已乃降後旨使人慨然僕行許決矣憑為披還乃遣使間道往江陵稟丞軍期節度湘東王承

制受高祖員外散騎常侍持節明威將軍交州刺史改封
南野縣伯六月高祖脩嶂頭古城徙居焉高州刺史李迂
仕據大阜遣主帥社平虜率千人入顛音石魚梁高祖今
周文育將兵擊走之迂仕奔寧都承制高祖通直散騎常
侍持節信威將軍豫州刺史領豫章內史改封長城縣侯
尋授散騎常侍持節都督六郡諸軍事軍師將軍南江州
刺史餘如故時寧都人劉藹等資迂仕舟艦兵仗將襲南
康高祖遣社僧明等率二萬人據白口築城以禦之迂仕
亦立城以相對二年三月僧明攻拔其城生擒迂仕送

南康高祖斬之承制命高祖進兵定江州仍授江州刺史
餘如故六月高祖從自南康覘者數萬人是時承制遣征
都將軍王僧辯衆軍討侯景八月僧辯軍次湓城高祖率
杜僧明等衆軍及南川豪師合三萬人將會焉時西軍之
食高祖先貯軍糧五十萬石至是分糧三十萬以資之仍
頓巴丘會侯景廢簡文帝立豫章嗣王棟高祖遣兼長史
沈袞奉表于江陵勸進十一月承制授高祖使持節都督
會稽東陽新安臨海永嘉五郡諸軍事平東將軍揚州刺
史領會稽太守豫章內史餘並如故三年正月高祖率甲

士三萬人強弩五千張舟船二千乘發自豫章二月次桑
落州遣中計空參軍江元禮以事表江陵承制如高祖鼓
吹一部是時僧辯已奔湓城會高祖于白茅灣乃登岸結
壇刑牲盟約進軍次蕪湖侯景城主張黑弃城走三月高
祖于諸軍進尅姑熟仍次蔡州侯景登石頭城覘望形勢
意甚不悅謂左右曰此軍上有紫氣不易可當乃以船舫
貯石沈塞淮口緣淮作城自石頭迄清溪十余里中樓雉
相接諸將未有所決僧辯遣杜蔚問計於高祖曰前柳仲
禮數十萬兵隔水而坐書檄之在清溪竟不渡岸賊乃登

高望之表裏俱尽肆其凶虐○我王師令圍石城須渡北
岸諸將若不能當鋒請先往立柵高祖即於石頭西橫隴
築柵衆軍次連八城直出東北賊恐西州路斷亦於東北
果林作五城以遏大路景率衆萬餘人鐵騎八百餘匹結
陣而進乃命諸將分處置兵賊直衝王僧志、小縮高
祖遣徐度領弩手二千橫截其後賊乃却高祖于王琳杜
龕等以鐵騎悉力乘之賊退據其柵景儀同盧輝畧開石
頭北門來降盪主戴晃曹宣等攻拔果林一城衆軍又尅
其四城賊復還珠死戰又尽奪所得城柵高祖大怒親率

攻之士卒騰柵而入賊復散走景子百餘騎奔稍執力左
右衝陣陳不動暴衆人潰遂北至西明門景至闕下不敢
入臺遣腹心取其二子而遁高祖率衆出廣陵應按景將
郭元建會元建奔齊高祖納其部曲三千人而還僧辯啓
高祖鎮京口五月齊遣辛術圍嚴超達於秦郡高祖命徐
度領兵助其固守齊衆七萬貸塹起土山穿地道攻之甚
及高祖乃自率萬人解其圍縱兵四面擊齊軍弓弩亂發
齊平秦王中流矢倒地斬首數百級齊人收兵而退高祖
振旅南歸遣記室參軍劉本之殿捷于江陵承制受高祖

使持節散騎常侍都督南徐州諸軍事征南大將軍開府
儀同三司南徐州刺史餘並如故及王僧辯率衆征陵納
於湘州承制命高祖代鎮揚州十一月湘東王即位于江
陵改承聖元年明年湘州平高祖旋鎮京口三年三月進
高祖司空餘故十一月西魏攻陷江陵高祖与王僧辯等
進啓江州請晉安王以太宰承制又遣長史謝哲奉牋勸
進十二月晉安王至自潯陽入居朝堂給高祖班劍二十
人四年五月齊送真陽侯淵明還主社稷王僧辯納之即
位改元曰天成以晉安王為皇太子初齊之請納真陽侯

也高祖以為不可遣使詣僧辨苦事之往返數四僧辨竟
不從高祖居常憤艱密謂所親曰武皇雖盤石之宗遠布
四海至于尅雪讐恥寧濟艱難唯孝元而已功業懋盛前
代未聞我手王公俱受衆寄語未絕音聲猶在耳豈期一
旦便有異圖嗣主高祖之孫元皇之子海內屬目天下宅
心竟何辜坐致廢出遠永夷狄假立非次觀其此情亦何
知矣乃密俱袍數千領及錦綵金銀以為賞賜之具九月
壬寅高祖召徐度侯安都周文育弟謀之仍部列將士分
賞金帛水陸俱遣是夜發南討王僧辨甲辰高祖步

軍至石頭前進道勇士自城入時僧辨方視事外白
有兵俄而兵自內出僧辨遽走与其第三子碩相遇俱出
閣左右尚數十人苦戰高祖大兵尋至僧辨衆寡不敵走
登城南門樓高祖因風縱火僧辨窮迫乃就擒是夜縊僧
辨及碩景午真陽侯遜位百僚奉晉安王上表勸進十月
己酉晉安王即位改成聖四年為紹泰元年壬子詔授高
祖侍中大都督中外諸軍事車騎將軍揚州南徐州二刺
史持節司空班劍鼓吹並如故仍詔高祖甲仗百人出入
殿省震州刺史杜龕挾吳興手義興太守常戴同舉兵反

高祖命周文育衆攻戴于義興龔遣其從弟此叟將兵拒
戰此叟敗國義興二年正月癸未誅杜龔于吳興龔從弟
此叟司馬沈孝敦並賜死二月庚申高祖侯安都周鐵武
率舸艦備江川仍頓梁山起柵三月戊戌奔遣水軍儀同
蕭軌庫狄伏連克難字東方老侍中裴英起東廣州刺史
獨孤辟惡洛州刺史李希光並任約徐嗣微等率衆十萬
出柵口向梁山帳內盪主黃叢逆擊敗之燒其前軍盤奔
頓軍保蕪湖高祖遣定州刺史沈泰吳郡太守裴忌就安
侯都兵據梁山以禦之四月己酉高祖詣梁山郡巡撫五

月甲申奔兵發自蕪湖景中至秣陵故致高祖遣周文育
屯方山徐度頓馬牧社稷大航南己亥高祖率宗室王侯
及朝臣將卒於大司馬門外白獸闕下刑牲告天以齊人
佩約發言慷慨涕泗交流同盟皆莫能仰視士卒觀者益
奮辛丑奔軍於秣陵故縣跨淮立橋柵引渡兵馬其夜至
方山侯安都周文育徐度等各引兵還京師癸未奔兵自
方山進及見塘游騎至臺周文育侯安都頓白玉崗旗鼓
相望都邑震駭高祖潛撤精卒三千配沈泰渡江襲奔行
臺趙彥深於瓜步獲舟艦艘陳粟萬斛六月壬辰奔兵潛

至鍾山龍尾丁未進至幕府山高祖命衆軍秣馬蓐食遲
明攻之乙卯且自率帳內麾下出幕府南吳明徵沈泰等
衆軍首尾奔舉縱兵大戰侯安都自白下引兵橫出其後
奔師大潰斬獲數千人相蹂藉而死者不可勝計生執徐
嗣宗斬之以徇追奔至于監沂其江乘攝山鍾山等諸軍
相次克七月景子詔授高祖中書監司徒揚州刺史進爵
為公增邑前五千戶并給由隴皂輪車是月侯瓚他簡切以江
州入附遣侯安都鎮上流定南中諸郡八月癸卯大府卿
何歆王未切新州刺史華志各上書高祖表以送臺詔歸

之高祖是日詔高祖食安告唐二年合五千戶九月進
高祖丞相錄尚書事鎮衛大將軍改刺史為牧進封義興
郡公丁未中散大夫王彭牋稱今月五日平旦於御路見
龍迹自太里至家關亘三四里庚申詔進追贈高祖考侍
中光祿大夫加金章紫綬封義興郡公謚曰恭十月甲戌
勅丞相自今入問訊可施別榻以近宸坐二年正月壬寅
天子朝萬國于太極東殿詔加高祖班劔十人八月甲午
進高祖位太傅加黃鉞劔履上殿入朝不趨贊拜不名并
給羽葆鼓吹一部丙申加高祖前後部羽葆鼓吹是時湘

州刺史王林雍兵不應命高祖遣周文育侯平都率眾討之九月詔進位相國愬百揆十郡為陳公備九錫之禮十月進高祖爵為王又命冕十有二旒建天子旌旗辛未梁帝禪位永定元年冬十月乙亥高祖即皇帝位于南郊柴燎告天大赦天下改梁太平二年為永定元年封梁帝為江陰王賜民爵二級文武位二等鰥寡孤獨不能自存者人穀伍斛丙子輿駕幸鍾山祠蔣常廟戊寅輿駕幸華林園親覽辭訟臨赦囚徒已卯分遣大使宣勞四方辛巳追尊皇考曰景皇帝廟號高祖皇太后曰章太夫人安皇后追謚

前夫人錢氏號為昭皇后章氏為皇后癸未尊景帝陵曰瑞陵昭皇后陵曰嘉陵依梁初園陵故事立刑定即治定律令戊子遷景皇帝神主附於太廟夏四月甲子輿駕親祠太廟乙丑江陰王薨詔遣太宰吊祭司空監護喪事凶禮所須隨由備辦以梁武林侯蕭諮息季卿嗣為江陰王初侯景之平地也火焚太極殿承聖中議欲營之獨闕一柱至月有樟木大十八圍長四丈五尺流泊陶家後渚監軍鄒子度以聞詔中書令沈眾兼起部尚書少府卿蔡儔兼將作大匠起太極殿甲寅太極殿成匠各給復

十二月庚申侍中安東將軍臨川王舊率百僚朝前殿拜
上牛酒甲子輿駕幸大莊嚴寺設無暑大會捨乘輿法物
群臣備法駕奉迎即日輿駕還宮景寅高祖於太極東堂
晏群臣設金石之樂以路寢告成也三年春正月己丑青
龍見於東方丁酉夜大雪及明太極殿前有龍跡見甲午
廣州刺史歐陽頌表稱白龍見於州江南岸長數十丈仙
人見於羅浮山寺小石樓長三丈所通身潔白衣服楚麗
北江州刺史熊曇即敕都督周文育于軍舉兵反王琳遣
其將軍衆愛曹慶率兵援余地孝厲六月戊子儀同侯

安都敗衆愛等於左里獲琳弟襲主帥羊曠音簡等三十

余人衆愛衆遁走庚寅廬山民斬之傳首京師甲午衆師
凱歸丁酉高祖不豫遣兼太宰尚書左僕射王通以俟告
太廟兼太宰中書令謝哲告太社南北郊辛丑高祖疾小
廖故司空周文育之柩至自建昌壬寅高祖素服器于堂
哀甚癸卯高祖臨訊獄省訟是夜熒感在天尊高祖疾又
甚景午崩于璿璣殿時年五十七遺詔追臨川王舊入纂
甲寅遷殯于太極殿西階謚曰武皇帝廟號高祖葬萬安
陵

太平御覽卷第一百三十三

太平御覽卷第一百三十四

徧霸部十八

陳陳舊

陳伯宗

陳頊

陳叔寶

陳舊

陳書曰世祖文皇帝諱舊字子華始興昭烈王長子也少
沉敏有識量義容儀留意經史擧動方雅造次必尊禮法

高甚愛之常稱此兒吳宗之英秀也梁太清初常夢兩日
闔一大一小者光滅墜地正黃其大如斗世祖因三分取
一而懷之侯景之亂鄉人多依山湖寇抄世祖獨保家無
所犯時亂日甚乃避也臨安及高祖舉義兵侯景遣使收
世祖及衡陽獻王世祖乃密束小刀冀因入見而害景致
便屬吏故其事不行高祖大軍圍石頭景欲加害者數矣
會景敗世祖乃得出起高祖營起家為吳興太守高祖受
禪立為臨川郡王邑二千戶拜侍中安東將軍及周文育
侯安都敗於沌口高祖詔世祖領衛軍儲戎備皆以委焉

尋命率兵城南皖

反戶板

未定

二年六月景午高祖崩遺詔

徵世祖入纂皇統甲寅至自南皖入居中書省其日即皇
帝位太極前殿詔曰上天降禍奄集邦家大行皇帝皆難
萬國率土崩心若喪考妣龍圖保曆眇屬朕躬運鍾擾攘
事務機務南面湏主西讓禮輕今便式膺景命元宅四海
可大赦天下改元定四年為天嘉元年鰥寡孤獨不能自
存立者賜教人五斛孝悌音殊行異等加爵一級甲寅分
遣使者宣勞四方辛酉輿駕親祠南郊二年春正月庚戌
大赦天下十二月立始興國廟於京師同王者之禮太子

中庶子虞荔御史中丞孔奐以國用不足奏立煮海監及
權酤之稅並施行三年春正月庚戌設帷宮於南郊弊告
胡公以配天辛亥輿駕親祠南郊二月甲子改鑄五珠錢
三月景子安成王頊至自周詔授侍中中書衛將軍置左
吏是歲周所立梁王蕭啓死子歸丘軌切代立天康元年春
二月景子詔曰朕以寡德纂承洪緒日吳敬勞思弘景業
而政道多昧黎庶未康兼疾患淹時元年陽累日百姓何
咎寔由朕躬念茲在茲痛加疾首大赦天下改天嘉七年
為天康元年三月己卯以驃騎將軍開府儀同三司揚州

刺史司空安成王頊為尚書又四月乙卯皇孫至澤生
任位文武賜綿帛各有差為父後者賜爵一級癸酉世祖
疾甚是日崩于有覺殿遺詔曰朕疾苦彌留遂至不赦脩
短有命夫復何言但王業艱難頻歲軍旅生民多弊無志
愧愴今方隅乃容俗教未弘便及漸以為遺恨社稷任重
太子可即君臨王侯將相善相輔翊內外叶和勿違朕意
山陵務存儉速大歛竟群臣三日一臨公除之制率依舊
典六月甲子群臣上謚曰文皇帝廟號世祖葬永寧陵

陳伯宗

陳書曰廢帝諱伯宗字奉業小字藥王世祖嫡長子也永定二年拜臨川王世子世祖嗣位立為皇太子天康元年四月世祖崩即皇帝位二年春詔大赦改光大元年孝悌力田賜爵一級輿駕祠南郊二年十一月慈訓太后集群臣於朝堂令降為臨眺送還藩邸是日出居別第太建二年薨時年十九

陳頊

陳書曰高宗孝宣皇帝諱頊字紹也小字師利始興昭烈王第二子也景大通二年生女志光滿室少寬大多智略

及長美容儀身長八尺三寸五寸過膝有勇力善騎射高祖平侯景鎮京口梁元帝徵高祖子姓人侍高祖遣高宗赴江陵累官為直閣將軍中書侍郎時有馬軍主李恂與高宗有舊每問遊處高宗嘗夜被酒張燈而寐恂適出尋乃見高宗身是大龍恂便驚走時在閔右永定元年遙襲封始興郡王邑二千戶三年世祖嗣位改封安成王天嘉三年自周還授侍中中書監中衛將軍置左吏尋授使持節都督南揚徐東揚南豫北江五州諸軍事揚州刺史進號驃騎將軍餘如故四年加開府儀同三司六年遷司空

天康元年授尚書令廢帝即位拜司徒進號驃騎大將軍
錄尚書都督中外諸軍事給班劍三十人光大二年正月
進位太傅領師徒加殊礼劔履上殿增邑并前三千戶餘
如故十一月甲寅慈訓太后令廢帝為臨海王以高宗入
纂是月春正月甲午即皇帝位于太極前殿詔改光大三
年為太建元年大赦天下在位文武賜位一階孝悌力田
及為父後者賜爵一級異等殊才並如策序鰥寡孤獨不
能自存者人賜教五斛復太皇太后尊號曰太皇后立妃
柳氏為皇后世子叔寶為皇太子冬十月新除左衛將軍

歐陽紇據廣州舉兵反辛未遣車騎將軍開府儀同三司
章昭達率眾討之壬午輿駕祠太廟二年春正月乙酉以
征西大將軍開府儀同三司郢州刺史黃法其於切為中護
大將軍丙午輿駕親祠太廟二月癸未儀同章昭達擒陽
紇送都斬于建康市廣州平三月丙申皇太后崩丙午曲
赦廣衡二州丁未大赦天下三年春正月癸丑以尚書右
僕射領大著作徐陵為尚書僕射辛酉輿駕親祠南郊辛
未親耕藉田三月丁丑大赦天下自天康元年訖大建元
年逋餘軍糧祿秩夏調未入者悉原之五年三月討大都

督吳明徹統衆千萬發自白下夏四月癸卯前巴州刺史
魯廣達尅齊大峴城辛亥吳明徹尅秦州水柵庚申齊遣
兵十萬援歷陽儀同黃法破之辛酉齊軍救秦州吳明徹
又破之癸亥詔北伐衆軍所尅齊兵令埋掩甲子南譙太
守徐攄尅石梁城六年春正月壬戌朔詔曰王者以四海
為家萬姓為子一物垂方夕陽猶厲六合未混肝食彌憂
朕嗣纂鴻基思弘經略上符景下叶人謀命將與師大極
淪溺灰琯未周凱捷相繼拓地數千連城將百蠹彼餘黎
毒茲異境江淮年少猶有剽掠鄉閭無賴摘他歷切出陰私

將軍周顧刑今使符仁聲載路且肇元告慶邊
服耒荒始覩皇風宜覃曲澤可赦江右淮北南司靈光歷
陽臨江等郡士民罪無輕重悉皆原宥七年春正月辛未
輿駕親祠南郊四月乙未陳桃根表上織成羅文錦被表
各二首詔於雲龍門外焚之八月周遣使來聘是月甘露
頻降樂遊苑丁未輿駕幸樂遊苑採甘露寔群臣詔為苑
龍舟山立甘露亭十一年春正月乙酉龍見于南充州永
寧樓側池中二月癸亥輿駕親耕藉田三月丁未詔淮北
義人率戶口歸國者建其屬舊名置立郡縣即隸近州賦

給田宅秋七月辛卯初用大貨六銖八月甲子青州義主
朱顯宗等率所領七百戶入附丁卯輿駕幸太社觀閱武
十一月詔建子令月微陽初載應此加辰宜播寬澤可大
赦天下甲午周遣柱國梁士彥率衆至肥口戊戌周軍進
圍壽陽以新除中衛大將軍揚州刺史始興王叔陽為大
都督摠督水步衆軍十二月乙丑南北充晉二州及盱眙
山陽平馬頭泰歷陽沛北譙南梁等九州並自拔還京師
譙北徐州又陷自是淮南之地盡沒于周矣十四年春正
月己酉高宗嘗豫甲寅丁卯初歿時年五十三上謚孝

宣皇帝廟號高宗葬顯陵

陳叔寶

陳書曰後主諱叔寶字元秀小字黃奴高宗嫡長子也梁
永聖二年生于江陵、、陷高宗遷闕右晉後主于穰城
天嘉三年歸京師立為安成王世子太建十四年正月高
宗崩即皇帝位于太極前殿詔大赦尊皇后為皇太后宮
曰弘範立妃沈氏為皇后七月辛未大赦是月江水赤色
如血自京師至于荊州九月設無尋五觀切大會於太極殿
捨身及乘輿服御至德元年正月詔大赦改太建十五年

為至德元年二月十二日夜天開自西東南其內有青黃
雜色隱七若雷聲後主在東宮好學有文藝及即位耽於酒色常在後
庭不恤政事又於光昭殿前起臨春綺結望仙三閣七高
數丈並數十間其牕牖欄檻之數悉以沉檀香木為之飾
以金玉間以珠翠微風暫至香聞數里瑰寶奇麗近古未
有其下積石為山引水為池植以奇樹雜以花藥後主自
居臨春閣孔貴人居望仙閣張貴妃居結綺閣並復道往
來婦人麗賞巧態以從者常千餘人張貴妃孔貴人等八
人侍坐尚書人江惣孔範等人侍晏號曰狎客上令婦人

制五言詩人八一時繼和達則罰酒君臣酣飲從夕達曙
所司皆因閹人奏士主者由此擅作威福軍旅警備並皆
不脩任用沈客卿施大慶等以苛刻為忠於是文武離心
莫肯用命隋文帝謂高頻曰我為百姓父母豈可陷一衣
帶水不極之乎命大作戰船人請密之隋文曰吾將行天
討何密之有使投揀於江被若能改吾又何求乃遣晉王
廣為元帥以討之及聞隋軍臨江孔範曰必無渡理但恣
妓樂縱酒作詩不輟明日隋軍濟江陵文武百寮皆遁出
唯尚書僕射袁憲侍側憲勸坐殿上正色以待之後主曰

鋒刃之下未可當之吾自有計乃逃于井既軍人窺井呼
之後主不應欲下若乃叫以繩引之驚其大重乃出与張
貴妃孔貴人三人同束而上賀若弼呼後主視之惶懼流
汗服膝再拜弼謂之曰大國之卿當小國之君拜礼也入
朝不失作婦命後亦無勞恐懼三日後主与王公百司發
自建鄴至長安後主已下大小在路五百里累_レ不絕隋
大宣詔讓後主_レ伏地不能對乃宥之給賜甚厚每侍
宴恐致傷心為不奏吳音後監守者言叔寶願得官號隋
文曰叔寶絕_レ心奸監_レ入_レ叔寶日飲一石少有醒時

隋文曰不再_レ以過日及從東延狩中山賦詩曰日月光
天德山河壯帝居太平何以報願封禪書並上表請討封
_レ隋文謙讓不許後從至仁壽宮嘗侍宴乃出隋文目之
曰此敗豈不由飲酒作詩將此工夫何如思安邊計策初
賀若弼度京口彼人密啓告急叔寶為飲酒遂不省高頻
至猶見啓在床下未開封豈天亡也後主以隋仁壽四年
十一月終於洛陽在位七年五十二歲

史臣曰後主生深宮之中長婦人之手既屬邦國殄瘁不
知稼穡艱難初懼帖_音危屢有哀矜之詔後稍安集復扇

淫侈之風賓禮諸公唯寄情於文酒昵近群小皆委之以
衡軸謀謨所及遂無骨鯁之臣權要所在莫匪侵魚之吏
政形日紊尸素盈朝耽荒為長之飲嬖寵同豔妻之孽危
亡弗恤上下相蒙衆叛親離臨機不悟自投於井冀以苟
生視其以此求全抑亦民斯下矣遐觀列辟纂武嗣其
始也皆欲齊明日月合德天地高視五帝俯協三王然而
不有初鮮克有終其故何哉並以中庸之才懷可移之
性口存於人義心點於嗜慾人義利物而道遠嗜慾遂
性而便身不一久違道遠難以周志佞諂之倫承顏候色

因其所好以之違之若不坂走九順流決壅非夫感靈辰
象降生明德熟道其所樂而以百姓為心哉此所以成
景千載而罕遇也

太平御覽卷第一百三十四

太平御覽卷第一百三十五

皇親部一

摠序后妃

人皇后

庖羲母

神農母

黃帝母

黃帝四妃

顓頊母

顓頊妃

帝嚳四妃

堯妃

舜母

舜二妃

夏禹母

禹妃

帝相后

桀妃

殷湯母

湯妃

帝乙妃

紂妃

周大王妃

王季妃

文王妃

武王妃

宣王后

幽王褒后

秦始皇太后

摠序后妃

尚書大傳曰古者后夫人將侍君前息燭後舉燭至于房

中釋朝服襲燕服然後入御史秦鷄鳴于階下秦猶曰然

後夫人鳴佩玉于房中告去也然後應門繫柝告闕也應

也闕然後少師奏賞明于陛下正賞然後夫人庭立君出

朝○毛詩曰關雎后妃之德也風之始也所以風天下而

正夫婦也關關雎鳩在河之洲窈窕淑女君子好逑又曰

葛覃后妃之本也后妃在父母家則志在於安功之事躬

儉節用服澣濯之衣尊敬師傅則可以錦安父母化天下

以婦道也○又曰卷耳后妃之志也又當輔佐君子求賢

審官知臣下之勤勞內有進賢之志而無險詖私謁之心

朝又思念至於憂勤也采采卷耳不盈頃筐嗟我懷人寘

彼周行○又曰樛木后妃逮也言能逮下而無嫉妬之心

焉南有樛木葛藟藟之樂只君子福履綏之又曰螽斯后

妃子孫衆多也言若螽斯不妬忌則子孫衆多也螽斯羽

詵詵兮宜爾子孫振振兮又曰桃之夭夭灼灼其華之子

于歸宜其室家

又曰免賢后妃之化也關雎之化行則莫不好賢德人衆多也肅肅免負椽之丁丁赴赴武夫公侯于城

又曰采芣后妃之美也和平則婦人樂子矣采采芣苢薄言采之

又曰鷄鳴思賢妃也哀公荒淫怠慢故陳賢妃貞女夙夜為成相成之道焉

禮記曰天子之妃曰后

鄭玄注曰后之言後也

又婚義曰古者天子后立六宮三夫人九嬪二十七世婦

八十一御妻以聽天下之內治以明章天下之婦順故曰和而家理天子立大官三宮九卿二十七大夫八十一元

以听天下之外治以明章天下之男教外和而國治故曰天子听男教后听女順天子理陽道后治陽天子听外治后听內職教順成俗內外和順國家治理此之謂盛德白虎通曰天子之妃謂之后可后者君也天子妃至尊故謂君也

明海內之小君也

史記曰自古受命帝王及繼体守文之君非獨內德茂也

蓋亦自外戚之助焉夏丹也以塗山而桀於也

用未嘉殷之丹也以有娥及嬖而紂之威也妲己周之丹也
也以姜嫄及大人太妙而幽王之擒也淫褒姒故易基乾
坤詩首閔睢書美釐降春秋譏不親迎夫婦之際人道之
大倫也

漢書曰漢丹因秦之稱號帝母稱皇太后祖母稱太皇太
正嫡稱皇后妾皆稱夫人有美人良人八子七子長使
少使之號焉至武帝制婕妤嬖娥容華充衣各有爵位而
元帝加昭儀之號凡十四等云昭儀位視丞相爵比諸侯

主婕妤視上卿比列侯嬖娥視中二千石比閔內侯容華
視真二千石比上大造美人視二千石比少上造八子視

比中更充衣視千石比左更七子視八百石比右庶

長良人視八百石比佐北左庶長長使視六百石比五大

夫少使視四百石比公乘五官視三百石順常視二百石

無涓共和娛靈保林良使夜者皆視百石上家人子中家

人子視有秩斗食云五官以下葬司馬門外

陵上司馬門外

應邵漢官曰皇后稱椒房詩云椒聊之實蔓衍盈升美其
繁興以椒塗室亦取溫煖除惡氣猶太子赤泥殿上曰丹

墀

漢舊儀曰皇后婕妤乘輦餘皆以茵四人輿以行

又曰皇后玉璽文与帝同皇后之璽金螭武紐

又曰皇后太子各食三十縣曰湯沐邑○五經要義曰古者後夫人必有女史彤管之法后非群妾以礼義于君所安史書其曰授其環以進退之法生子月娘則以金環退之當御者以銀環進者著於左手既御者于右手者陽也以當就男故著左手右手陰也既御而復故此女史之職後漢書曰夏啟以上后妃之制其文畧矣周礼王者立后

三夫人九嬪二十七世婦八十一御女以備內職焉后正位宮闈同體天王夫人坐論婦礼九嬪掌教四德世婦主燕寢頒官分務各有典司女史彤管記功書過君有保阿之訓動有環珮之響進賢才以輔佐君子哀窈窕而不淫其色所以能述宣陰化脩成內則閨房肅雍險謁不行也故康王晚朝閔睢作諷宣王晏起姜氏請愆及周室東迁礼序凋缺諸侯僭縱軌制無章齊桓有如夫人者六人晉獻升戎女為元妃終於五子作亂家嗣邁也爰逮戰國憲簿適情任欲顛倒衣裳以至破

國亡身不可勝數斯固輕禮施方先色後德者也秦并天
下多自驕大官備七國爵列八品漢因循其號而歸制
莫釐高祖惟薄不脩孝文枉無辯然而選納尚簡飾玩少
華自武元之後世增淫費至乃掖庭三千增級十四妖幸
毀政之符外姒亂邦之迹前載之祥矣及光武明德中興
斷珣為璞六宮稱號唯后貴人貴人金印紫綬俸不過粟
如十斛又置美人宮人采女三等並無爵秩歲時賞賜充
給而已漢法常因八月筭人遣中大夫子擁庭及丞相工
於洛陽鄉中閱視良家童女年十三已上二十以下姿色

端麗合法相者載還後宮擇視可否方用登御所以明慎
媵納詳求淑哲明帝聿遵先旨宮教頗修登建嬪后必宜
德內無出間之言權無私溺之受可謂矯其弊矣尚使
因設外戚之禁編著甲令改王后妃之制貽厥方來豈不
休哉雖御已者度而防閑未篤故孝章以下漸用色授恩
陰好合遂志淄蠹人古雖主幼時艱王家多置必委成家
宰簡求忠賢未有專任婦人斷割重器唯秦羊太后始攝
政事讓候權政於昭王家富於嬴國漢仍其謬知患莫改
東京皇統屢絕權國女主外立者四帝臨朝者六后莫定

策惟委事父兄貪孩童以久其政抑明賢以專其委任重
道悠利深禍速身犯霧露於靈臺之上家嬰縲紲於圜圜
犴之下湮滅連鍾傾輶維路而赴陷不息焦為期終於陵
夷六運淪亡神實詩書所歎畧同一揆

魏志曰魏國漢母后之號皆如舊制自夫人以下世有增
損太祖建國始命王后其下五等有夫人有昭儀有婕妤
有華容有美人文帝增貴嬪淑媛修容順成良人明帝增
淑妃昭華脩儀除順成官太和中始復命夫人登其位於
淑妃之上自夫人以下爵凡十二等○又曰黃初二年昭

田夫婦人手政亂之本也自今已後群臣不得奏事太后
后族之家不得當輔任之政又不得橫授茅土之爵以此
昭傳後世若皆違天下共之誅敢融議后父不應拜后曰
天性之至父子之道人倫之序君臣之義性至因親故情
禮無二義序繆敬古尊言上易曰有父子然後有君臣然
後禮義生焉故資父事君孝之至也君不以貴而臣其所
尊故子爵不加於父母也夫以帝王之尊猶無臣妾父母
之義况后從尊於帝而令母執臣妾耶而鄭玄復云公朝
典歸寧別有二制尊卑迭用拜謁更前亦未詳斯義為何

所挾○晉張華女史箴曰茫茫造化二儀始分散氣流刑
既陶既甄在常庖羲肇經天人爰始夫婦以及君臣家道
以正而王猷有倫婦德尚柔含章真吉嫿婉淑慎正位居
室施室矜結禱虔恭中饋肅慎爾儀式瞻清懿樊姬感莊
不食鮮禽衛女矯桓耳忘知音志厲義高而二圭易心玄
熊攀檻馮媛趨進豈無畏知死不愜班妾有辟割歡同輩
夫豈不懷防微慮遠道罔隆而不殺物無盛而不哀日中
則昊月滿則微崇猶塵積替若駭機人咸知節其容而莫
知篩其性性之不節或遺禮正斧之藻之克念作聖出其

言善千里應之苟違斯義則同衾以疑夫出言如微而榮
辱由茲勿謂幽昧虛鑒無象勿謂涖漠紳聽其響無矜爾
榮天道惡盈無恃爾貴隆隆者墜于鑿小星戒彼悠遂北
心僉斯則繁爾類歡不可以黷寵不可以專實生慢爰極
則迂致盈必損理有故然美者自美翻以取尤治容好求
君子所讎結恩而絕職此之由故曰翼_匕矜_匕福所以與
靖恭自思容顯所期女史思箴敢告庶姬

後魏書曰魏氏王業之兆雖始子神元自昭成世崇儉賞
妃嬪嬪御率多闕馬難以次第為稱而章平思昭穆惠煬

列八帝妃后無間道武追尊祖妣皆從帝謚為皇后始帝
立中餘妾咸稱夫人大小無限然皆品次太武始增左右
昭儀及貴人椒房○後魏書曰後魏故事將立皇后必令
手鑄金人以成者為不吉成則不得力也又太武文成保
母劬勞之恩並極尊崇之義雖事乖典禮而觀過知仁
北史曰周氏率由姬制內職有序文帝創基修衽席以儉
約武皇嗣歷節情慙於矯枉宮闈有貫魚之美戚里無私
溺之尤可謂得君人之躰也宣皇外行其志內逞其慾溪
壑難滿揀擇無厭恩之所加莫限廝早榮之所及無隔險

設於是升蘭殿以王位踐椒庭而齊體者非一人焉階房
帷而拖青紫綠恐幸而擁玉帛非一族焉雖辛癸之荒淫
趙李之傾城曾未足此其髣髴也人厭苛政其事實多文
帝之祀忽諸特由於此隋文思革前弊大矯其違唯皇后
當室勞無私寵婦官位號未詳備焉開皇二年著內官之
式略依周禮省減其數煬帝時后妃嬪御無釐婦職唯端
容麗飾陪從遊而已帝又參詳典故自製嘉名著於今

人皇后

春秋命曆序洛書擿亡避曰人兄弟九人別長九州離良

地精女出為之石離艮卦所推也

庖羲母

河圖曰遂人之世大跡出雷澤華胥履之生伏羲帝系譜曰伏羲十月四日人定生母華胥孝經河圖云伏羲在亥得人定之

神農母

春秋元命苞曰女登生神子人面龍顏始為天子

孝經鉤命決佳妙咸龍生帝嵬嵬魁神農名

帝王世紀曰炎帝神農母曰佳姁有矯氏女名登少典妃遊華陽有龍首感之神農於裳羊山聚奔水氏女曰聽訖

音妖生長臨女干

黃帝母

河圖曰黃軒母曰地祗之子名附寶之郊野大霓繞北斗軒星耀感附寶生軒轅

帝王世紀曰黃熊氏少典之子母曰附寶其先即炎帝母曰矯氏之女少典氏婚及神農之末少典氏又聚附寶見大霓光繞北斗樞星照郊野附寶孕二十五月生黃帝於

壽丘干寶云二十五月初五日

黃帝四妃

史記曰黃帝娶西陵氏女是為累祖為黃帝王妃生二子
其後皆有天下

漢書古今表曰黃帝妃方雷氏生玄囂為青陽妃累祖昌
意妃彤魚氏生夷鼓妃嫫母生蒼林

帝王世紀曰黃帝四妃生二十五子元妃西陵氏累祖次
妃方雷氏曰女節次曰彤魚氏次曰嫫母

列女傳曰黃帝妃曰嫫母於四妃之班居下貌甚醜而最
賢心每自退餘同呂氏

顓頊母

河圖曰搖光之星如虹貫月正月感女樞於幽房之宮生

帝顓

史記曰昌意娶蜀山女昌樸生高陽高陽聖德黃帝崩高
陽立定為顓頊

帝王世紀曰昌意生妃謂之女樞金天氏朱顓頊於弱水

搜神
記曰

顓頊妃

世本曰顓頊娶于勝墳氏宋忠注曰國名之子謂女祿是生老童

帝系云勝
墳氏餘同

帝嚳四妃

河圖曰慶都子赤龍合生於赤帝伊堯

世沉云從母性

毛詩曰天命玄鳥降而生商宅殷土茫茫

春秋元命苞曰周本姜嫄遊閉宮其地扶桑履大跡生后

稷春秋合誠圖曰堯母慶都有名於世蓋上之女生於斗

維之野常在三河之東南天大雷霓有血流潤大石之中

生慶都長大常有黃覆蓋之夢食不飢

天帝以氣食

年二十寄

伊長孺家無大出觀三河之首常若有神隨之有赤龍負

圖至署曰赤帝起成天寶即慶都之謹任之亂之必於翼

之野奄然陰風雨龍丹慶都合有身龍消不見乳堯

漢書云堯

母十四月生堯帝王世紀搜神記同

史記曰嚳娶陳豐生於勳

又曰后稷棄母有邠氏女曰姜嫄為帝嚳元妃出野見巨

人跡心欣然說欲踐之身重如孕者居期而生子以為不

祥棄之隘巷以為神牧養之初欲棄之因名棄

生民之本后稷也姜姓也后稷之母配

高辛氏帝焉

毛詩生民曰厥初生民時維姜嫄

史記曰殷契母曰簡狄有戎氏女為帝嚳次妃三人行洛

見玄鳥遣其卵簡狄取而吞之因孕生契

世本曰帝嚳卜其四妃之子而皆有天下元妃有邠國之女曰姜嫄是產后稷次妃有城氏之女簡狄是產契次妃曰陳豐是生帝堯次妃曰嫫訾產帝摯

帝王世紀曰嫫訾班在四人下生摯最長故登帝位

堯妃

世本曰堯娶散宜氏子謂之女皇

宋忠曰是生丹朱
帝系漢書同

帝王世紀曰女瑩生丹朱

漢書亦云
女瑩

舜母

河圖著命曰女登見大虹意感舜於姚墟

史記曰舜母早死瞽瞍更娶後妻生象傲

舜二妃

尚書曰師錫帝曰有鰥在下曰虞舜岳曰瞽子父頑母嚚象傲克諧以孝烝人不格姦帝曰我其試哉女于時觀厥刑于二女釐降二女于媯汭嬪子虞
禮記曰舜葬蒼梧蓋二妃未之從也

山海經曰大荒之中有不庭之山帝俊妻娥皇生焉

帝系曰舜娶於帝堯謂之曰女媭

列女傳曰有虞二妃堯之二女曰長也娥皇次曰女英十三

舉舜為相攝行王政每事常謀於二女舜既受禪升為天

子娥皇為后女英為妃事瞽瞍猶若初焉天子稱二妃聰

明真仁舜陟方死蒼梧二妃死於江湘之間謂之湘君

尸子曰堯妻舜之娥勝之以皇娥皇衆女之英

離騷九歌湘夫人曰帝子降兮北渚目眇眇兮愁于帝子謂堯

二女娥皇女英隨舜不及隨於湘水清因為湘夫人也嫋嫋兮秋風洞庭兮木葉下

夏禹母

河圖著命曰脩紀見流星意咸生帝文命我禹與

周禮含文嘉曰夏姒氏祖以蕙苾生

孝經鉤命次日星命貫昂紀夢接生禹文命使之星謂流行

世本曰鯀娶華氏曰女志是生高密禹帝系云產文命餘同

禹妃

尚書咎繇謨禹曰予娶于塗山辛癸甲辛日娶妻至于甲日復往治水啓

呱呱而泣予弗子塗山女史記同

山海經曰太室嵩高成陽西啓母化為石在焉

帝王世紀曰禹始納塗山氏女曰女媧合婚於台桑有白

狐九尾之端至是為攸女故連山易曰禹娶塗之子名曰

攸女生余是也列女傳曰啓母塗山者夏禹之妃塗山之
女也禹娶四月而去治水啓既生呱呱而泣禹三過其門
不入

呂氏春秋曰禹行功見塗山之女禹未之遇南音南土
塗山之女乃令其妻往候禹于塗山之陽女作歌曰候人
實始作南音也

帝相后 少康二妃
附見

左傳曰伍員曰昔有過澆滅夏后相緡才娘逃出自竇
歸于有仍 緡有仍
氏女也 生少康焉澆求之逃奔有虞虞思妻之

以二姚

楚辭曰迨少康之末家晉有虞之二姚

桀妃

洛書運錄法孔子曰逢氏抱小女未喜觀帝孔甲悅之以
為太子履癸妃

國語曰桀伐蒙山而得未喜

記年曰后桀伐岷山岷女于桀二人曰琬曰琰桀受二女
無子刻其名于苕華之之玉苕是琬華是琰而弃其元妃
于洛曰未喜其未喜氏以于伊尹交遂以聞夏

帝王世紀曰未喜好聞裂繒之聲而笑桀為殘繒裂之以
順適其意

列女傳曰夏桀未喜者夏桀之妃也桀伐有施有施女以
未未喜以女妻人曰女

殷湯母

河圖著命曰扶都見白氣貫月意感生黑帝子湯

湯妃

帝王世紀曰湯娶有莘為正妃

列女傳曰湯妃有莘之女也德高而伊尹為之勝臣佐湯

致王訓正後宮嬪御有序咸無嫉妬逆理之人生三子太
丁外丙仲壬教誨有成太丁早卒丙壬嗣登大位

帝乙妃

史記曰帝乙長子曰微子啓賤不得立立少子辛辛母正
后嗣帝王世紀曰帝乙二妃生四子長曰微子啓中曰微
仲少曰受德辛庶妃生箕子初啓母之生啓及仲尚為妾
及立為后乃生紂

紂妃

史記曰紂伐有蘇人以妲己女焉紂愛妲己妲己之言是

從武王殺之斬以玄戈懸之小白旗

世本又載

列女傳曰妲己者殷紂之妃也紂伐有蘇有蘇女以妲己
美而辯用心邪僻夸此於射戚施於貌紂好酒淫樂不離
妲己所譽者貴之所憎者誅之

周大王妃

毛詩曰古公亶父耒朝走馬率西澗至于岐山爰及姜女
聿來胥宇

又曰摯仲氏任自彼豳來嫁于周曰嬪于京及王季維

德之行

摯國任姓

史記曰古公太姜生少女季歷季歷娶大姪皆賢婦人生
子曰昌

列女傳曰大姜者太王之妃有台之女曰賢而有色生太
伯仲雍王季化尊三子皆成賢德太王有事必諮謀焉

王季妃

河圖着命曰大姪夢長人感生已文王

毛詩曰思齊太姪文王之母思嬪周姜京室之婦

列女傳曰大姪者王季之妃摯任之女也端懿誠莊維德
之行及其有辰也因不視惡色耳不聽淫声口不放言洩

于豕牢而生文王文王生而明聖大姪教其一而知其百
卒為周宗君子謂姪為能胎教

文王妃

毛詩曰天監在下有命既集文王初載天作之合在洛之
陽在渭之渙纘女維萃長子維行纘繼也萃大妙篤生武

王箋云大妙原
生聖子武王

又大妙嗣微音則百斯男

論語泰伯曰武王曰予有乱臣十人馬融曰乱理也十人謂周
公旦召公奭太公望畢公

榮公說叔閔天散宜生太顛南孔子曰才難不其然乎唐
宮括其一人謂文母也

虞之際於斯為盛有婦人焉九人而已

列女傳曰大姪者文王之妃萃姪之女也號曰文母

武王妃

左傳曰子產曰當武王邑姜方娠太叔杜預曰邑姜後齊太公之
女也懷胎為娠太叔成王

之弟叔夢帝已余命而子曰虞帝天也虞
唐君之名將予之唐厲諸

參而蕃育其子孫及生有文在手曰虞遂以命之

帝王世紀曰武王納太公之女也曰邑姜脩教于内生太

子誦

宣王后

璣語曰元妃獻后生子不怛其月而生后弗敢舉王召群
吏門將弃之仲山甫曰天將以是弃之何益且卜筮言何
心從乃弗弃列女傳曰周宣姜后者齊侯之女也宣王嘗
夜卧而晏起后夫人不出於房姜后既出乃脫簪珥待罪
於巷使其傳毋通言於王曰妾不才妾之淫心見矣至使
君王失禮而晏朝以見君以之樂色而妾德也王曰寡人
不德實自生過非人之罪也

幽王褒后

毛詩曰白華周人刺幽后也幽王取申女以為后又得褒

姒而黜后故下國化之以妾為妻以孽大宗幽后褒
姒也
又曰正月刺幽王曰也燎之方陽寧或滅之赫赫宗周褒
姒滅之


國語曰夏之哀也二龍止於夏庭而曰余褒之二君夏帝
卜請其醮而歲之乃吉帝昭曰龍吐味
龍之精氣也龍亡而醮在積而
歲之三代莫敢發至厲王之未發而觀之醮流于庭不可
除王之使婦人保而謀之釐化為玄龜入王後宮童妾既
亂而遭之既并而孕無夫而生子懼而弃之宣王之時童
謡曰厭狐箕服實亡周國有夫婦賣是器者見後宮童妾

所弃妖子聞其啼哀而收之夫婦亡奔褒人有罪請入所
弃女是為褒姒幽王愛之生伯服廢申后而以褒姒為后
褒姒不好笑幽王欲其笑萬方不笑烽火鼓譟諸侯悉至
至而無寇褒姒乃不笑幽王數為舉烽申侯怒于西夷大
戎攻殺王虜褒史記列女傳世並同也
列女傳曰幽王出入与褒姒同乘戈獵不時以適褒姒意

秦始皇太后

史記曰呂不韋所幸姬有娠而進之子楚生秦始皇是為
太后

說葬曰秦始皇太后不謹幸即嫪毐封為長信侯長信侯
生兩子毒專國事驕奢与侍中左右貴人俱傳飲酒醉爭
言而鬪瞋目大呼曰吾乃秦皇之假父也窶人子何取於
我元闔者走行曰始皇始皇大怒毒因作乱戰械陽宮始
皇取毒四支車裂之娶兩弟囊撲殺之皇太后置之械陽
宮令曰敢以太后事諫者戮而殺之闔下諫而死者二十
七人茅焦乃上王遂以千乘萬騎自迎太后歸咸陽太后
喜大置酒待茅焦及飲太后稱曰抗柱令直使敗更成安
秦社稷使妾母子復得相會茅君之力也



太平御覽卷第一百三十五

